

2009 年高雄醫學大學(上)客家醫學散文 江秀鳳

江嵐簡介

江嵐，本名江秀鳳，台灣苗栗縣銅鑼灣人。

現任：美術團體聯合會秘書、台灣現代詩人協會理事、中國詩歌藝術學會、母語教師、大學講師、客語作家等。

曾任：台中縣大里市客家委員會委員（2005~2008）。

得獎：榮獲新詩、散文、小說及台語文學創作獎多次，「薰衣草姑娘」榮獲火金姑基金膺選出版。

2007 年榮獲第十五屆南瀛文學獎現代詩創作首獎（十首客語詩）。

2007 年李江却台語文教基金會客語組小說優選。

2008 年李江却台語文教基金會客語組小說優選。

2008 年榮獲府城文學獎台語文學（客語）散文獎。

2008 年榮獲新竹市客語兒童文學客語散文獎特優獎。

2009 年台中市詩人節親子新詩創作比賽與女兒李怡嫻共同得獎。

著作：2001 年出版詩集「逗點」，詩藝文出版社出版

2005 年台華對照散文集「薰衣草姑娘」，前衛出版社出版

2007 年客語詩畫集「江嵐、采諭詩畫家鄉專輯」，苗栗縣政府國際文化觀光局出版

2008 年客華對照散文集「阿婆个菜園」，台南市立圖書館出版

編著教材：客家話（生活會話篇四縣腔）。

客家兒童文學選讀本、台灣客家話文學讀本初版、二版、三版、客家流行音樂讀本、台灣現代詩讀本等。

展覽：江嵐·采諭〈詩畫家鄉〉詩書畫展

2008 年 5 月 21 日至 6 月 8 日在屏東縣政府文化處展覽

2008 年 6 月 21 日至 7 月 31 日在苗栗縣政府國際文化觀光局展覽

2008 年 10 月 13 至 11 月 12 日在台中縣大里市圖書館總館展覽

嗱從細就係在深山肚大介，過等無愁無慮介生活。

嗱這搭位介人無時行著鞋，一日到暗打赤腳滿山走。毋過，嗱知麼該係鞋，吾屋家就有兩雙，就吊佇石坊屋介屋簷下，該係吾 Ina (原住民語「媽媽」之意)、ma ma (原住民語「爸爸」之意) 介鞋，佢兜係愛下山去買鹽、買米介時節正會著著(zok \ do \)。有成時嗱會等大人無在屋家該時，偷偷仔拿鞋來著。毋過，嗱當好運，毋識分 Ina 佬 ma ma 捉著，上屋介 fulatin (音譯「花生」之意) 就無恁好運，有一擺佢偷著鞋來搞，分厥 ma ma 捉著，差一息仔就打到 sii vut 開花。臨暗時節，嗱佬佢膏藥仔，看著一條一條又紅又腫介竹修仔浪，親像會必開來樣仔，當得人驚。

Fulatin 係嗱盡好介朋友，嗱兜逐日都愛翻過兩粒山，去該片介半山排做事，吾 Ina 愛揸吾老妹，嗱就騰手拿做山事介傢啦伙，fulatin 同厥 Ina 乜愛擎腳頭、搵茶罐。嗱屋家介田肚種當多包粟、小米同雜糧。

嗱今年 12 歲，前幾日仔，屋家有來兩介人客，你知無，吾屋家邸佇深山林肚，平時就當少有生份人來介部落，這位交通盡無方便，無車仔好到，係愛來嗱介庄頭，係無人帶絕對會蹤(zung ✓) 走。

逐年熱天，係吾部落盡鬧熱介時節，輒輒會有人在乎地上來，帶盡多好食介東西，還有煙酒來這位開暗會打鬥斂。

這種人客愛當幸運介人家正堵得著，今年佢兜特別擇吾屋家開暗會，為著愛歡迎佢兜，Ina dang ✓ 工分嗱著當靚介衫，頭那毛乜梳到金燴，還喊嗱兜茶請人客食。佢兜講嗱生來忒烏，毋過，目珠還拗蠻仔大粒，面模仔還算靚，其中有一介人客送嗱一盒「巧克力」，還歡喜哪！嗱生目珠毋識看過恁大盒介「巧克力」，就遽遽去尋 Fulatin，同佢共下去山頂分享外國糖仔介味緒。毋過，嗱乜有留兜仔轉去分老弟老妹食。

下後，嗱正知講該兩儕人係來佬嗱紹介頭路介，嗱今年小學出業，定著愛下山去騰手屋家賺錢。今晡日，佢兜愛來帶嗱去台北食頭路，聽講做得賺當多錢。

吾 Ina 佬嗱準備兩、三領舊衫，佢講較好介衫愛留分老弟老妹著，到台北佢兜還會佬嗱買當多新衫。Ina、ma ma 介面色都無好，嗱想怕係佢當晝食異多酒，又愛同嗱離開，可能當毋盼得正會恁樣。嗱心肝肚盡艱苦，著等出世以來頭一雙新鞋，離開吾介故鄉。嗱佬高高介山、貴貴介雲，還佬一介一介面無笑容介鄰舍揸手，毋知樣般，吾介目汁緊跌。行到庄頭，Fulatin 脈脈風對草竇肚弄出來，送嗱一支

筆，喊嗱愛寫信仔分佢，這支筆續變到嗱唯一介祝福。

就恁呢，嗱踎等兩介生份介阿叔去台北。歸路仔佢兜對嗱毋會歪，請嗱飲汽水，還有又香又澎湃介便當，這兜東西嗱愛在豐年祭介時節正食得著，這係嗱在山頂毋識享受過介待遇，心肝肚盡歡喜。

包尾，嗱兜來到一條當長又當深落介巷仔肚，行入去其中一間屋，嗱看清楚屋肚介設備，就分一介阿姨帶落去間肚項。間房雖然無異大，毋過當靚，有一張軟軟介眠床佬一台梳妝台，還有當靚介被單同會換（lit\）介凳仔。這隻間房無窗仔門，看毋著外背介世界，好在，有一台會吹涼風介機器，佢兜分嗱邸恁好介間房，還分嗱會吹涼風介機器（電扇），嗱試著當暢。

下後介日仔，嗱就邸這位，奈就毋識去過。毋過，佢兜講嗱發育忒慢，就同嗱注射，過無幾久仔，嗱就試著胸前痛痛，過來就慢慢仔腫起來，同嗱邸共間介阿蘭姨講無要緊，細阿妹仔定著愛發育好，正做得變大人。毋過，有一日續發生當得人驚介事情，嗱去便所介時節續發現當多血對吾下身流等出來，為著這件事情害嗱嗽盡久，嗱恍著係自家著著（cok do\）麼該大病正會恁傷當。阿蘭姨講該係月宮（giung\），係逐隻細妹仔變大人介過程，喊嗱毋使驚。

嗱在這位過一駁仔當好介日仔，面頰卵有變較白，乜有較肥較好看。平時嗱單淨騰手洗衫褲定定，毋使做麼介粗事，比起在山頂介生活，這位就像天堂介樣仔。

有一日，阿蘭姨帶嗱去廳下，頭家娘坐佇上橫頭，大家都喊佢 ma ma，「ma ma」係嗱兜喊「爸爸」介意思，做麼介愛恁樣喊，嗱實在想毋通。

毋過，ma ma 有呵腦嗱緊來緊靚，過喊肚項介阿姨同嗱化妝，又分嗱著新衫同新鞋，鏡仔肚介嗱就像太陽神介妹仔共樣，又靚又大方。有一介阿叔就帶嗱去一間又大間又靚介飯店。嗱兩儕坐電梯，毋使行路跋樓梯，一下半就上到7樓，阿叔帶嗱到一間間房頭前停下來，揸三聲電鈴。一介中年 o zi sang\ 走來開門，阿叔脈脈風佬嗱送（sung\）入去間肚項，該隻中年人拿當多錢分阿叔，阿叔佬嗱一儕人放佇生份人介間項，拿著錢做佢走。

該隻中年人佬間門關起來，對頭到尾同嗱詳細看一擺，緊看緊領頭，問嗱係毋係頭一擺，嗱毋知厥意思，單淨戇戇仔領頭，佢喊嗱去洗身，嗱只好乖乖去做。這介時節，吾心肝肚驚驚險險，一身緊起雞嫲皮，總係試著有麼該毋好介事情會發生，試著當驚，故所挑試定定仔洗。毋過，間肚介阿伯緊追嗱，喊嗱遽遽出來，嗱只好衫褲著著（zok\zok\）仔行轉間項。

佢一下手就佬嗱揪到眠床項，嗱企毋歇就橫落去，佢像得人惱介山豬共樣，對嗱磧過來，佢當大籬（kieu\）又當重，害嗱透氣就毋

出，佢手來腳來，緊咬又緊摸，又佬吾衫脫淨淨，無論樣般 bin、都無效。這種情形，分唯想著 Fulatin 有一擺去捉山豬介時節，同山豬相打共樣。這個男仔人同唯裝到當痛，唯試著當才過，故所就開始噉，還越噉越大聲，佢異像當驚別人聽著唯噉，就遽遽拿一隻紅包塞分唯，唯拿等紅包毋知愛噉乜係愛笑。這介時節，該隻帶唯來介阿叔出現在門口，佬唯帶轉去「ma ma 桑」該位。

這日，吾心肝盡艱苦，就拿 Fulatin 送唯介筆寫信仔分佢，你這兜乜知，唯無可能出去，信仔係交分阿蘭姨同唯寄介，毋過，過忒盡久，Fulatin 都無回信仔分唯，害唯當失望。

唯毋知在這位邸幾久仔，自從該擺拿著一隻紅包過後，吾介生活就在大飯店同賓館來來去去。在這期間，唯有一擺偷走介經驗，因為有一介人客盡苦毒唯，害唯盡艱苦。毋過，唯還毋曾走出飯店，就分接送介阿叔捉著，轉到店項分佢修理到當癩。該央時，正經當想去死。

最近，唯緊發病矣，佢兜講係分人滯 (ce) 著「愛滋病」，店項介「ma ma 桑」罵唯係了錢貨，故所就喊人佬唯送轉山頂去。

吾屋家人佬唯關佇閒間仔，佢兜除忒拿東西分唯食以外，盡少同唯講話，Fulatin 輒輒來看唯，佢加當高，加盡緣投。得著這種病，橫 (vang) 到厥面前，試著當見笑，毋過，Fulatin 緊安慰唯，佢講這一切都毋係唯毋著，佢恁樣講過後，吾心肝有較開兜仔。唯問佢寫信仔分佢做麼介無回，佢講自從唯下山過後，就無任何消息，過較毋識收著信矣。這件事情分唯試著當奇怪，唯正經有寫信仔分 Fulatin，唯發誓。

這駁仔，唯試著身體當虛，唯知知自家介病毋會好矣，唯今年正 14 歲，ma ma、I na，還有 Fulatin 都在吾身邊。唯試著越來越無力，越來越無元氣。毋過，就算唯無法度醒過來，唯乜試著異滿足矣，盡無，唯既經轉到屋家，看著熟識介人，聽著自家介鄉音，還有這坭燒暖介土地，佬高高介山、白白介雲、青油油介山林。做得在 ma ma、I na 佬 Fulatin 介身邊死忒，唯既經試著當幸福矣！

1998 年榮獲阿却賞

註解：

這搭位 (ia \ dap vi)：這裡

麼該 (mak \ gai)：什麼

佢兜 (gi \ deu /)：他們

sii vut \ 開花 (sii vut \ koi / fa /)：屁股開花；皮開肉綻

膏藥仔 (go \ iok e \)：抹藥

又紅又腫 (iu fung \ iu zung \)：又紅又腫

必開 (bit \ koi /)：裂開

騰手 (ten su \): 幫忙
擎腳頭 (kia \ giok \ teu \): 拿鋤頭
擱茶罐 (kuan ca \ gon \): 提水壺
輒輒 (ziap ziap \): 常常、時常
打鬥斂 (da \ deu si \): 聚餐
堵得著 (du \ e \ do \): 遇得到
dang / 工 : 專程、專門
目汁 (muk \ ziip \): 眼淚
遽遽 (giak \ giak \): 快點
心肝肚 (sim / gon / du \): 心裡頭
揲手 (iak su \): 揮手
樣般 (ngiong \ ban /): 怎麼樣、怎麼了
跔等 (ten \ den \): 跟著
包尾 (bau / mi /): 後來
注射 (zu sa \): 打針
胸前痛痛 (hiung / cien \ tung tung \): 胸口會痛
腫起來 (zung \ hi \ loi \): 腫起來
無要緊 (mo \ ieu gin \): 沒關係、不要緊
嗽哆 (gieu zii /): 哭泣
佬著 (lau \ do \): 以為
著著 (cok do \): 得到...病、中獎
恁傷當 (an \ song / dong \): 這麼嚴重、非常嚴重
月宮 (ngiet giung /): 月經
毋使驚 (m \ si \ giang /): 不用擔心、不必害怕
面頰卵 (mien gap \ lon \): 臉頰
領頭 (ngam \ teu \): 點頭
得人惱 (det \ ngin \ nau /): 討厭
得人惜 (det \ ngin \ siak \): 可愛
磧過來 (zak \): 壓過來
大箍 (tai kieu /): 胖
才過 (coi \ go \): 委屈、可憐
艱苦 (gan / ku \): 痛苦、不舒服
當癩 (dong / tiam \): 很累、疲勞
滯著 (ce do \): 傳染
橫下來 (vang ha / loi \): 倒下來
睡下來 (soi ha / loi \): 躺下來
身體當虛 (siin / ti \ dong / hi /): 身體虛弱、虛脫
死忒 (si \ tet \): 死掉、死亡

張捷明簡介

張捷明，苗栗公館人，1956年生。

從事紡織工作。多年來致力於客家少年文學創作，2006北美台灣客家文化獎得主。

張捷明的客家少年文學最大特色是：他形塑一個根植傳統又不拘泥傳統，能夠走入現代，以及充滿陽光未來的客家少年文學新視野。

他將客家文化語言傳承的希望，放在兒童及青少年身上，多年來透過他質精量多的作品，業已灑下無數的客家文化種子，產生長遠深入的影響力，儼然是客家安徒生，使客家少年文學，成為客家文學重要的一環。更與台灣其他三大族群，華、閩、原的少年文學，共同構築臺灣少年文學，而不使客家缺席，讓客家少年文學成為台灣的共同資產。

他多年來創作及田野文學調查不間斷，持續在各重要客家平面及電子媒體，刊登各種類型的客家少年文學最新創作，迄今已發表百餘篇寓言、童話、小小說及小品等等，並於苗栗文化局出版「客家少年」——小品(2002年)、桃園文化局出版客家「細老鼠同番豆」——童話(2004年)、桃園文化局出版「鸚哥少年」——小說(2004年)、臺北文化局「擎飯匙堵貓」——小說(2004年)等等。近年也寫客家詩：童詩、新詩、雜詩

三十五年交情介高中同學，著癌十年，從骨癌腳鋸忒開始，到滯（傳染；轉移）到大腸變大腸癌，又滯到肺變肺癌，盡尾續來無醫，就恁仰目珠一貶，做佢轉唐山。這艱苦介十年，除忒看佢大聲笑，自從毋識看佢 ngiap、一下目，除了堅耐還係堅耐。

十年前同學整車仔，gok 著下腳相兼腳膝頭介位所，一直痛毋會過，細醫院一直看到大醫院，長庚醫生診斷講係腫瘤，講可能愛鋸忒。講戇話，看起來好好介腳，又無疤又看無傷，就會痛定定，仰會盼得鋸忒。就恁仰決定換人工腳膝頭（人工膝關節），加上化療，總算保 het 一隻腳外觀好好。回想這介決定，有人講，該央時係捨得該支腳，就過得今日這關矣。麼人知呢？有幾人恁煞得著？係知半夜會拉尿，麼人毋知愛企到天光？講轉頭下，自從換人工腳膝頭後，保了一隻腳，就毋過，經過一擺一擺介化療後，手術傷口續一直毋會收水，一直綿，拖了大概三年，包尾還係決定腳骨鋸忒。腳鋸忒後鬥假腳，顛倒能自由上下，下後，就恁仰定期追蹤治療，也正較有心性面對未來。

一個月前，怕係感覺人生無常，就同其夫娘參詳，自家先踰旅行團去中國看光景，還講請夫娘遽遽去辦護照，下二到就帶夫娘出去料。無想著出國轉來就來入院，去長庚看佢，本旦一門高大介同學，因為滯到大腸變大腸癌，無法度進食吸收，續餓到 cun、一把骨，又因為癌細胞腫瘤轉移，塞著支氣管，teu、（透）氣毋得，只好氣切，無法度講話。去看佢介該前一暗晡，講險險走忒。醫一駁仔，長庚介醫生評估奈毋何，紹介佢去安養中心介安寧病房。佢毋甘願，又同天公爭，爭到昨晡下晝，爭天毋過，放下爺哀、夫娘、子女，放下單丁子介擔頭分夫娘 kai、，自家轉唐山。

昨晡朝晨其爸正去安養中心看過佢，還用紙筆同其爸交談，佢講佢不孝，愛豁忒阿爸阿姆，以後無法度再服侍爺哀。其爸下後講啱聽，講到緊嗽。無想著正翻轉日，今晡下晝四點就來過身，下晝五點，三個就近同學趕到 ten 手，因爭佢屋下還有高堂，尤其係老哀仔前幾年中風過，一片手腳發癱風，又有一息老人痴呆（ngoi、）症，驚老人家承受毋下心肝肚該 de 肉介割捨，毋敢分老哀仔知，故所遺體無送轉屋下，新竹新埔介人，續送到桃園中壢市立殯儀館，做簡單法事。太概係同學自家生前介意思，一切從簡。夫娘帶等兩子一女，踰等兩個大娘姊一個小娘姑共下，請法師頌經超渡，當簡單。昨晡日係拜六又合暗晡頭，殯儀館人員既經下班，歸介殯儀館冷冷清清，啱三個同學陪等，到暗晡頭九點零，佢阿叔同幾個叔伯兄弟從新埔趕上來，連同本庄帶來介法師，正較有人氣。

嗱同其爺哀當熟識，有到新埔過，毋使問同學有到屋下無，一定會直接去看老人家，故所其爺哀對嗱當相惜，今續毋知，這下好緊去拜訪老人家無？係看著佢單丁子介同學去，毋知會增加佢介傷心無？尤其係老伯姆，同學入院恁久，佢屋下人毋敢同佢講知，一定會問嗱，仰恁久無看著其賴仔，到時愛仰般應？

這幾年看著盡多生死介問題，有老介有後生介。老介有：丈人老介朋友一老阿太兩公婆，一個 97 歲，一個 103 歲，福壽雙全。也有後生介：隔壁鄰長伯介賴仔四十零著胃癌，還有這個同學五十出頭著骨癌。愛講遺憾人人就有，就算老阿太百歲公，咩希望其夫娘食到百二歲，同佢分享佢介榮耀風光，莫講四十零五十零介後生人定定，人生還有恁多恁多介可能哪，真經分人毋盼得。

昨暗晡師父寫同學介神主牌，諡忠厚，嗱試著諡堅耐、諡忠厚共樣適當。十年艱苦對天笑，人生無一息智慧同堅耐做毋到。其叔來到殯儀館，大家也熟識，講起同學這一生人，除了無辦法再奉養爺哀外，公婆煞猛，子女成才，家庭和諧，也做得算係圓滿。這係頭擺人看透人生世事後介智慧結論，係無，係能食加幾年添，總係有較好。

人過五十，看生死看著智慧，看著能認真過日就係人生，看著能曬日頭就係福氣，能珍惜福氣，正係圓滿介人生。

張捷明 2007/9/22 高中同學何京洲過身記事

註解：本文拼音採用行政院客委會版本

1. 著癌(cok ngamˇ)：得到癌症。
2. 骨癌(guk \ ngamˇ)：骨癌。
3. 腳鋸忒(giok \ gi tet \)：腳鋸掉。
4. 滯到(ce do \)：感染。
5. 大腸癌(tai congˇ ngamˇ)：大腸癌。
6. 肺癌(fi ngamˇ)：肺癌。
7. 下腳相(ha / giok \ siong \)：小腿。
8. 腫瘤(zung \ liuˇ)：腫瘤。
9. 人工腳膝頭(nginˇ gung / giok \ cit \ teuˇ)：人工膝關節。
10. 手術傷口(su \ sut song / heu \)：手術傷口。
11. 毋會收水(mˇ voi su / sui \)：傷口無法收縮乾燥。
12. 一直綿(it \ ciit mienˇ)：一直潰爛。
13. 癌細胞(ngamˇ se bau /)：癌細胞。
14. 支氣管(zii / hi gon \)：支氣管。
15. 透氣毋得(teu \ hi mˇ det \)：無法呼吸。
16. 氣切(hi ciet \)：氣切。
17. 發癱風(bot \ tamˇ fung /)：癱瘓、中風。
18. 老人痴呆症(lo \ nginˇ cii / ngoiˇ ziin)：老人痴呆症。
19. 胃癌(vi ngamˇ)：胃癌。

汝係捱一生人个新娘 江嵐

佳灣係一个盡得人惜个細阿妹仔，生來幼秀幼秀，性體好又盡認真，事事項項總係要求得周全圓滿，在百貨公司上班。佢同千和共下六年零，毋過，旨結婚，倆儕人个感情異好，毋管係年節也係倆片个家庭有麼該大細事情，倆儕人就會共下出現。雙方个爺哀咩認定對方係自家人，雖然旨結婚咩無摻佢兜當做外人看。

這恁久仔，佳灣緊來緊瘦，食無麼該落，精神咩(me)越來越差，睡目个時間越來越長；千和講愛帶佢去醫院檢查，佳灣總係推無閒，在百貨公司上班真經當癩，時間又長又領無麼該錢，講起來咩係盡辛苦个頭路。佳灣總係盡笑面，當有人緣，平平係賣食品个專櫃，佢个生理就比別人較好，故所一做就做了四、五年，毋識換過頭路。佢嘴碼好又有責任，頭家異放心摻(lau✓)這間專櫃个事(se)交分佢做。

總係這駁仔，佳灣个精神差當多，一半擺仔還會算差數(sii)，千和當毋放心，緊追(dui✓)佢去分先生看，佳灣總係盡蠻皮，一日拖過一日，一隻月拖過一隻月，千和咩有同佳灣其姆講，其姆咩緊喊佢去檢查，佢還係鼻ngiu-ngiu仔，無抽無間，連其姆就拿佢無法度。

一直到有一日，千和接到百貨公司打來个電話，講佳灣昏倒，救護車摻佢送去醫院，喊千和遽遽趕過去。一下晝个時間，佳灣同千和个爺哀做盡趕到醫院來，大家會(fi)共下，無結無煞。檢查个項目一項做過一項，先生講愛邸院觀察。佳灣醒過來看著恁多人續嚇一下，正知自家在醫院，大家你一句捱一句，句句就唸仰會毋使量早兜仔來檢查，拖到昏忒，正來分大家愁！千和看著當毋盼得，煞煞行過來擋在佳灣个眠床頭，拜託大家毋好再過罵佳灣了，佢講係愛罵就罵捱好了，千和个毋盼得分倆片个爺哀看著想笑，大家就罵毋落去也！旨結婚个倆子且(cia✓)姆使一下目角，偷偷仔笑出來！

佳灣邸院期間，做了盡多檢查，檢查報告一項一項出來，結果在會議室公開，先生講佳灣係肝癌末期，無救了！兼怕拖毋久！佳灣个阿姆聽到，旨嗽出聲就直接昏倒！搵到大家亂糙糙，毋知愛仰葛煞正好！

出院後，佳灣辭忒頭路在屋家養病，千和咩辭忒頭路專門照顧佢。

佳灣當擔硬，知得自家个病情以後，當遽就接受這個事實，佢倆儕計劃愛去旅行，千和排好行程訂好飯店，駛車上路，因爭佳灣睡目个時間越來越長，故所行程當慢，毋過千和了解，這轉旅行主要毋係趕時間，係愛摻時間參詳。

有一日，佢倆儕在烏山頭水庫飲咖啡个時節，佳灣面對南台灣恁

靚个好山好水。想到自家將將一生人，除了這場分自家疏忽以致愛佢一條命个病痛以外，自家實在當幸運，有阿公阿婆阿爸阿姆惜，有千和耐心在身邊，有朋友姐妹个相惜，頭路也順順序序，除忒恁後生就愛面對死亡，人生應該愛滿足怨天毋得正著，賸（cun✓）著盡大个遺憾係，自家身體个疏忽，續愛分阿公阿婆老大人傷心，愛分爺哀擔這長長久久个愁慮，世大人從細畜毋得大，等畜到大來，看等就愛結婚降（giung）子，續來看等佢著天吊，仰般會捨得，實在係不孝，故所有必要想一個辦法，慢慢分世大人接受事實，也期望做得膠

（lau✓）一路來相惜个人，一一當面答謝个機會，好分自家有一个無遺憾个一生人，也分相惜个人一个圓滿个世界。故所佳灣就膠這個想法講分千和聽：「恩做得尋一個風景盡靚，交通又利便个所在，舉辦吾个〈生前告別式〉，放帖仔分恩所有个親戚朋友，請佢兜來參加，你看仰般？」千和聽著（do\）著（cok）一下驚，毋過還係試到這個主意異特別。旅行轉去以後就開始準備例名單、印帖仔，地點就選佇離大家較近个白河附近。一來，大家做得共下行行僚僚兼看花、飲咖啡，大家咩順續聯絡一下感情，還做得同佳灣見盡尾一面。

一開始，連佳灣膠千和个爺哀接到這個消息，就毋知愛仰般接受這俩个後生人个想法，好在大家就還言異老，五、六十歲个人，做得了解佳灣膠千和个觀念。

其公膠其婆就罵到會死，緊唸這兩個細人仔變麼該齣事，做爺哀个毋好好教，還跔等細人仔變鬼變怪，恁仰做會分親戚朋友謔死，奈有人盲過身就先做齋仔，真經會濟衰人，阿婆在電話肚項講到大嬖聲頰，謔到至極。佳灣个爺哀遽遽拚轉屋家去求情，慢慢仔勸話分老人家聽，正得到佢兜無麼該情願个同意。

收著帖仔个親戚朋友，大家就打電話聯絡來聯絡去，七鼓八笛議論紛紛；邸中南部个親戚、朋友、同事膠同學，本旦就知得佳灣个病情，無恁著驚。顛倒係歇外位較少聯絡个同學膠朋友，一時間，無法度接受這隻事實，佳灣正二十大零歲，就言上三十歲个人，仰會有可能講死就死，有兜人佬（lau\）著在學校肚項，盡搞怪个千和又在該變麼該齣頭，收到帖仔个朋友、同學就上網去問別儕，歸个網路做盡在該談論這件事，等北部个朋友確定事情个真實性以後，大家正開始愁愛仰般同佢俩儕騰（ten）手，膠這件事情辦到圓滿來。

續下來个問題係愛仰般包禮，愛著麼該衫褲正毋會失禮，又愛用仰般个心情出席，佳灣還生生，算來愛包紅包也係白包？逐儕人就試到當稀奇，又當頭那痛，自從就毋識參加過恁特別个聚會。這駁仔，所有个朋友就恁仰聯絡到有來有去，有人講愛送佳灣金斗盞，有人講愛送銀紙樂隊，咩有人講愛送樓仔屋膠紙家童，盡把變个係大學同學文昇牯，佢講決定愛送佳灣一副棺材對台北運到現場去，大家就膠佢

罵到臭頭；文昇牯私下正偷偷仔講：「捱正毋敢哪，係恁仰做定著會分千和過較傷心，佢倆儕就恁後生，今晡日不得已愛接受死神个挑戰就盡艱苦咧，做朋友个仰會盼得分佢兜為難。」

在白河个民宿咖啡廳，有一隻千坪个花園，這位看起來淨利氣氛又好，民宿个頭家頭一擺接到恁樣个生理，本旦試到怪怪，包尾想想仔，結局又無人死忒，又毋係真經辦喪事驚麼該，故所就摻這棚事接下來。愛在這位辦幼席，需要桌凳、碗盤同盡多好食个東西，這下个後生人奈愛食麼該桌席，較進步个方式就係辦歐式自助餐，來幾多人就做得加一息減一息，有正餐又有點心、水果、咖啡、冷熱飲料，隨在佢愛食到幾多點就做得，恁仰个生理大約仔算人頭就做得，可長可短。

日仔一到，逐儕就準備定疊，無惜路頭幾遠，一心一意愛來參加佳灣个生前告別式。佳灣著一身水紅色个小禮服，摻一雙佢盡合意个白色高蹠鞋，面項有化薄薄个妝，看起來面色毋會難看；千和著青色个 siak-zii 結黃色个 ne-gu 帶，配一條深藍色个西裝褲，該係佢一路里來个業務員風格打扮，係無恁仰著就無像係千和个作風。

一台一台个轎車，對台北、台中、高雄、台東、宜蘭……各地趕過來。

正開始个時節大家就當緊張，毋識辦過恁仰个活動，大家就毋知愛用仰般个表情來應付這種場合。千和向來異樂觀，總係到這個時節連佢也笑毋出來。阿舅、阿姨、叔婆、伯姆見著佳灣就捕等嗽一場，阿婆摻阿公，還有阿爸阿姆咩在該嗽毋會悚 (sot)。顛倒這兜後生人較蠻皮，等到愛吃晝个時，正陸陸續續到來，有人包紅包，有人包白包，有人買禮服愛分佳灣老行嫁 (出殯) 个時節著个，咩有人買花又送禮。因爭這係頭一擺，大家就毋知愛仰般做較適 (di\) 當，故所各打各个鼓，各吹各个角，各人用自家个誠意來送佳灣盡尾一程路个禮數。

文昇牯送一大把个蓮花，大到連佳灣就擎 (kia\) 毋贏，這種頭路就單淨佢一儕人想得出來，佢好講毋講，這係自家去蓮花池摘來个，恁仰較實在哇！害本旦嚴肅个氣氛，分該兜嗽面嗽面个人聽到續笑出來。自從文昇牯來到起勢，大家正試到有較輕鬆。

這個時節，千和牽等佳灣个手，講起倆儕人係仰般接受死神个挑戰，同堵著生死問題以後仰般去面對問題，還有仰般想出這種〈生前告別式〉个聚會來，摻一路行來堵著生命个失望、面對，到包尾个接受，同親戚朋友分享倆儕人个目汁摻轉換看開个心路歷程，恁仰个過程，分拍紀錄片个人摻民宿頭家試到盡感動。

細妹伴青華一路里來就盡依賴佳灣，平常時毋管係心情毋好也係堵著有麼該心事，一抹煞就尋佳灣投，這下看等恁好个姐妹伴隨時會

離開，實在毋盼得到噉濫 siit-lui\，佳灣顛倒頭來安慰青華：「堵到就愛面對，下二擺捱無在若身邊，妳愛開始學習照顧自家，學習解決事情个能力，這係妳一生人个功課，愛學習獨立，較擔硬兜仔嘢，知無？毋好噉咧！」青華聽到恁仰个話，噉到還較煞猛。

包尾，同事安安又摻啄目睡啄目睡，面色臘黃个佳灣補粉打扮，還換一領水青色个洋裝。

一場〈生前告別式〉就在這種溫暖又貼心个氣氛中進行，各人有各人个前途，各人有各人个人生愛學習个功課，大家對這場〈生前告別式〉肚項，學習到自家个功課，歸个民宿草坪續變成一个細細个溫馨天堂，大家談論到斷烏還無想愛轉，較遠來个，將就臨時留下來歇，本來一日个行程續變到兩日，該暗晡就在民宿廳下，開一个較深入个心靈暗會。佳灣看起來 ngiem-ngiem 精神當毋好，一下睡一下醒，雙方个爺哀就痛 nat-nat 仔掌等佢，阿婆个手拉等佳灣，差毋多毋識放手過，下把仔就看得阿婆緊拭目汁，緊摸佳灣个面，歸日咧阿婆个目汁毋識停過，千和緊掌阿婆个背囊，又拿衛生紙同阿婆騰 (ten) 掙目汁，恁仰个場景分唇邊个人看著鼻公酸軟。

這擺个〈生前告別式〉辦來盡成功，連葬儀社同保險公司个人員就到現場，還在會後留下來摻佢兜騰手規劃喪葬細節摻所費，保險專員咩摻佳灣个死亡給付算到清清楚楚，屋家人摻收到个禮金算算咧，竟然不少，足足做得辦一場簡單个喪葬費，一等重要个係，佳灣試到自家做得面對人生盡大个事情——死神个來臨，還做得有時間摻這一生人來盡惜佢、照顧佢个親戚朋友當面講一句「恁仔細」、「承蒙汝个照顧」！

佢兜決定摻這筆錢貯到銀行，等到需要个時節正用。〈生前告別式〉辦忒 gai 過月，佳灣就恬恬仔來離開世間，屋家人無再過麻煩大家，恬恬仔用盡簡單个儀式送佳灣盡後一程。

這日，千和著一身西裝，親身摻佳灣个金斗盞仔拗 (let) 等，擎烏遮仔，用最虔誠个心意摻佳灣个骨灰送去塔頂，再過摻佳灣上香講：「汝係捱一生人个新娘。」

等事情圓滿，正上網摻大家通知，感謝大家參與上擺个〈生前告別式〉，於今佳灣既經圓滿行過一生，請大家心中相送就好。

(榮獲 2007 年阿却賞優選)

註解：

1. 精神(zin / siin\)：精神。
2. 去醫院檢查(hi i / ien giam\ ca\)：去醫院檢查。
3. 當癩(dong / tiam\)：很累。
4. 去分先生看(hi bun / sin / sang / kon)：去看醫生。
5. 邸院觀察(dai ien gon / cat\)：住院觀察。
6. 拖到昏忒(to / do fun\ tet\)：拖到昏倒。

7. 檢查報告(giam \ ca^ˇ bo go)：檢查報告。
8. 肝癌末期(gon / ngam^ˇ mat ki^ˇ)：肝癌末期。
9. 兼怕拖毋久(giam / pa to / m^ˇ giu \)：不久人世。
10. 面對死亡(mien dui si \ mong^ˇ)：面對死亡。
11. 著天吊(cok tien / diau)：絕症。
12. 著驚(cok giang /)：驚嚇。
13. 頭那痛(teu^ˇ na^ˇ tung)：頭痛。
14. 較擔硬兜仔(ka dam / ngang deu / e \)：堅強一點。
15. 毋好噉咧(m^ˇ ho \ gieu le /)：不要哭了。
16. 啄目睡(duk \ muk \ soi)：打瞌睡。
17. 面色臘黃(mien set \ lap vong^ˇ)：臉色臘黃。
18. 背囊(boi nong^ˇ)：背部。
19. 恁仔細(an \ zii \ se)：謝謝（四縣腔）。
20. 承蒙汝(siin^ˇ mung^ˇ ngi^ˇ)：謝謝（海陸腔）。

